

Landesvereinigung von den Münsterschen Landesständen im Jahr 1446 unter sich errichtet.

Ex originali Arch. Civit. Haselunensis.

Wy Domprovest Domdeken ende ghemeyno Capittel der kerken, wy Borgermestere und Rayd der Stad Münster doen kundich allen lüden bekennen und betuyghen openbar in desfen breve soe als wy myt Edelman Ritteren knappen Ridderschap unde mannschap unde ghemeijnen Steden dosfes ghestichtes van Münster in ene gutlike leyfflich Eyndracht sint in ghogangen na lude der breve darop ghemaket wo de beseghelt sijnt by unses Capittel ok by unses Stad in unsen aliken behove to behoff unde ten besten des ghemeynen Landes und ijdermans hyr en bynnen desfen Landes besetten unde in desfen eyndracht behoren behort und vorwaret so men dan der vorgeschrevene breve omme mannigfaldigheyt der Zeghele en andere Zaken willen nicht wall allerweghen brüken kann hebben wy dan den ghemeynen Borchmans Borghestere en Rade und den gansen ghemeynde to haselünne des vorg. Breves eyn transsumpt und ware Copey om ere Bede doen scriven van worden to woyrden lüden aldus: Wy Domprovest Domdeken ende ghemeyno Capittel der kerken Wy Everwijn grove to Benthem here to Stenvorde Johan here to ghemen Johan van Büren here to Daverenberghe Johan van Vechtorpe Ritter Wenemar van heyden de Olde henrich de Went Zo-

lychen Gerd Hinrichs Zone Ritters Büter van Raysfelde Johan van Asbeke Johan Hake evert Korf herman Korf ghenant Smijsinck Johan von Raysfelde Cordt Stael Albert Tork Wylhem van Ghemen ghenant prövestynk Rötger und Diderich ghebrodere van Hameren gerd van Wullen to epe Herman und gerd ghebrodere van Mervelde Gerd van Keppel herman van Vijsbeke Johan van Senden Ludolff van Oyr Engelbert van Langen herman van Münster ten Boijslar, Ludike Droste, Diderich van der Reke de junge Herman van Deypenbroike Rotghers Zone otto Wückijk Berend van Veylen Herman van Warhulpe Gerd van Remen Jan van Krechtingen Diderich van Haghenbecke Roleff de Swicker Johan van Lembeke Berend van Mervelde gherdea Zone Awys van Heyden Diderich van Ascheberghe Wessel van Galen Cort Krakerügge Gerds Zone Johan und hinrich van Hövele ghebrodere gerd adrian Marfscallik Lambert Hövele Herman van Hestborn Hinrich van Hestborn Jan van Eschedorpe Cerck van Baeck Cerges van der Hoghe de junge Diderich van Langen Johan van Langen to Everswinckel Johan van Leitmate Albert Vynke van Ostenvelde heidenrich van Vynke en Vynke van Ostenvelde ghebrodere Johan Naschart Clawes van Wullen to Ochtrope Clawes van Langen to hesepe Wilbrant und Otto Staden ghebrodere heidenrich Valcke Wolter van Münster Johan van Münster Diderich Striek Johan van Bilsbecke herman Valcke Diderich van Grolle hinrich van Asbeke Johan van Grolle Jo-

han ten Oldenhuyt Rembert Beste Heidenrich Pikenbroik Heidenrich van Oer Johan unde Heidenrich Drosten ghebrodere Frederich Wulff to Vüchtel Herman Münster van Dale Aleff und Wilm van Senden Johan van Ascheberge Johan van Ermell Albert van Ermell Bertolt de Gert Willelm Schilling de Olde Willem Schillink de Junge Hinrich Hake Herman van Lijntlo hinrich unde Engelbert van Mechelen Engelbert van Senden Johan van Senden de junge Diderich Wulff to Vüchtel Cord van Mechelen Johan Pikenbroik Johan Mönke Herman van Mervelde Marschaick Cerges van der Heyke Richter to Alen Godert van Schonebeck genant Brünyk Johan van den Brocke Gödeke van der Sunger Gerd van Hövele Clawes van Beveren diderich van Heeck godert van Heeck Albert van Berse Arent Beveren Diderich van Velen Symon van Geester Ludolf van Oldenhuyts Koop van den Kampe herman Strick hermans Zone Hinrich van den Beele Roleff Schatte Clawes van Düyte Gädke van Aldrupe Richard van Schonebeck Willelm van Berntfelde herman Swenk Frederich van Lünen Rotger de Vols Johan van Dekenynk; Wij ghemeijne Borchmans to Vechte nemptlichen diderich van Dincklage Johan und Gerhard sine Zone hugo van Dincklage und sine nakomelinghe Frederich van Dincklage Zelyghen Johans Zone Herbort van Dincklage unde Gerbert sine Zone Johan und Frederich von Dincklage Zelyghen hughen Zone Johan van Elmendorp herman sine Zone Gerbert van Elmendorp Johan Gerbert Hinrich

Gerbert Otto en Herman sine Zone Willem van Elmendorp und herman syne Zone Hinrich van Elmendorp Zehlghen Hinryks Zone arnt Tekeneborch und Otto syn Zone Wichman Glede Evert Kobrynck Berges van Sütholte Otto van den Twiysle Otto und Balwijn syne Zone Hardeke van den Twysle Zelghen Gerdes Zone Rolf van Schager Kerstyn gerd unde Gerbert syne Zones Gödeke van den Bebe Johan Ruysche Jan van Sütholte Zehlghen Johans Zone Cord Klenk Clawes syn Zone evert van Sütholte Rolef van Lutten Otto Doringeloe herman syn Broder Otto Johans Zone Doringeloe Nulleken Johans Zone Stedinges Buriges van Büren Arnt Goes Engelbert Geffende herman de Rüder hughes Zone evort und Jan van Dincklage ghebrodere unde Wy ghemeynen Borchmans to Lünne als diderich Münnynk Otto Münnynk Johan und Wermeld Münnynk Diderich Swartewold Baldewyn Lanckhals Clawes Lanckhals Gerd van Dwingelo Johan van Boekrade Johan van Hamme Herman van den Ryne Hinrich van den Ryne und zo wy Edelman Ritters unde Knechte des ghemeynen Stichtes to Münster Wy Borghermestere Raede Gyldede unde ganze allynge ghemeijnheit der Stede Münster Cosvelde Wareendorpe Borken Boychholte Vreden Bechem Alen Dülmen Halteren Renen Telijsche Werne Haselünne Vechta Meppen en Fresoyte doen kündig allen lüden bekennen en betuyghen openbar in desfen breve dat wy eyndrachtlike mit guden vrien willen und genochlicken vorberade ene vrühlike en leyfliche Eyndracht synt anghegangen und

Wy Damprovest Damdeken ende Capittel der Kerken Borghermestere und Rede der Stede vorg. vor uns unde unse nakomelinge und Wy Edelman Ritttere und Knechte vorbenompt vor uns en vor unse Erven uns under malkander verenyghet hebben uns idermanne gheijstlick gheordnet ofte unghedordnet unde wertlick to gescheen beholtnysse Privilegien unde unses leven heren Ghegnaden van Munster ene Zamentlicken und eynen ijtlichen besonders ghegeven beholtlich idoch tovoorns und boven all den allerdorluchtighen In God Vader en heren heren Henrich Bischof to Münster unses gnedighen leven heren und Sine rechten nakomelynge by sijne herlicheden und Rechte Sall blyven also dat dat Capittel Edelman Ritterschap Stadt Münster und Steden vorg. und eynytlich van en by den *Privilegio* om und den *ghemeynen Lande van den allerdorluchtighen onsen ghenadigen Heren luid vorbenompt ghegeven und van Syner rechten nakomelyngen ghegeven mochten worden und ock by eren rechten und guden olden Ghewonden und herkomen omverbreklich blyven en beholden worden* Sall des by malkanderen to blyvens were ock Sake den vorg. Capittel Edelman Ritterschap Manschap Stad. Münster und Steden vorg. of er welcke besunders teghen und weder dat vorg. Privilegium van jemande enyge belastinge besperinge oft En Entenginge anghekart oft angestalt were ofte woyrde wy dan malkander gruetliken by eyn to blyven und unser eyn den anderen ijdermanne by den *Privilegio* int ghemeyne oft besün-

ders ghegevenen to beholden und de ghebreke darweder ghesthein to rechtveyrdigen helpen trüwelichen gunstlich vordelich myt Ernste und Vlyte myt lijve und myt gude so unser eyns iweliken temelik redelick und gheborlich is bestendich und behulplich syn ane Jeniger hade bose ghevarde jndracht Droghene oft arghelyst wer ock zake dat God vorkerde Jenige twydracht tuschen den ghemeynden dofsen dreyer Partenemptlichen tuschen den Capittel Edelman Ritterschapp en manschapp Stad Münster en den ghemeynen Steden sick erhove van der verenygde wegghen so beholtlich uns der privilegien vorgel. keyse wy Capittel van unse Kerken wegghen drey Personen myt name de ersame heren Sander van Oyn — heer diderich Stael nnd herr herman van Münster Canonike unser kerken vorg. und Wy Edelman Ritterschapp en Manschapp vorg. van unser wegghen drey als nämptlichen Büter van Raesfelde Jan Hake van den Wuhnsberge und Cord Staell und Wy Borghermestere und Raide der Stad Münster und ghemeynen Stede van unsen wegghen ock drey als van den Steden Münster Cosfelde en warendorpe ytlick en eynen Borghermestere we de in der tyd siet dat De keghen vorg. solcke twydracht in Vrüntschapen oft in rechten scheiden en endighen by ener redelicken tyd na ghelegenheit der Zake — wer ock Zake de benomden Entscheydere alle ofte etwelike affivich ofte doch afwesend were so solde insdan andere personen weder in dese Stede keyfen so

vake des to doene were sunder arglist were ock Zake den vorgenomden Drey van weghene Edelmanns Ritterschapp unde Manschapp vorg. ghekoren over eyn nemptlichen des meynen Zendes to mytvasten na dosfes Breves data neystkomen Samentlichen oft en welck vor entscheyden in maten vorgescreven staende nicht beleiffde to blyven dat dan de dree Semptlike oft er welck solke nicht willen wesen andere op de vorgescrevene tyd sollen en moghen keysen wer stede welke dan ghekoren sollen eyn Jaer ten mynsten stande blyven vor Entscheydere vorg. beholtlick en oock op de vorg. Termyne andere in ere Stede moghen to keysen so vorgescreven ijs welke ghekoren vorg. des oock nicht weygeren sollen — Oock erkennen wy Domproves Domdeken en Capittel wy Borghermestere und Rede der Stede vorg. vor uns en vor unse Nakomelinge wy Everwyn Greve to Benthem etc. und andere Ritters en knechte vorbenompt vor uns und vor unse Erven dat wy eindrechtliche hebben mede ghesloten bevorwardet unde ghevulbordet were zake dat iemand van Steden oft persons in dosfer Eyndracht vorg. benompt derselven Eyndracht nicht seghelen worde und besegelde darnede sall desfe vorgemelde Eyndracht onder uns de ze besegelt heben allike stede vast und unverbroken stande blyven en gheholden werden und darumb in nijner wyse syn ghekrenket oft te bespreken sunder argelyst und wante — wy Domprovest Domdeken und Capittel der Kerken vorg. wy

Edelmann Ritters und Knechte vorg. und wy Borghermestere Rede en ghemeijnde der Stad Münster und ghemeyne Stede desf ghestichtes vorg. unsf in maten vorgenomd vereynighet und van uns und unse nakomelynge und unse Erven dat also ewelick to holden ghesloten beleivet und be-  
vulbordet hebben so hebben wy to allijgher Dacht-  
nijsse unde eynen Tüchnysse der Warheit wy Dom-  
provest Domdeken en Capittel vor uns en unse  
nakomelijnge unser Kerken und wy Edelman Rit-  
tere en Knechte vorg. syn Segel vor sick en sijne  
Erven und wy Borghermestere und Rade der Stad  
Münster und der ghemeynen Stede vorg. vor uns  
und unse nakomelynge itlick unsfe Stades Segel  
und wy ghemeyne Borchmans ter Vechta unsfes  
Borchmanne, wy Borchmans Borghermestere und  
Raet to haselünne unse segelte vor uns unse Er-  
ven unse Ghemeynte und unse nakomelinge Vest-  
lichen an desfen brief doen hangen datum et ac-  
tum Monasterii anno Domini millesimo quadragen-  
tesimo quadragesimo Sexto feria quinta post Do-  
minicam Judica — Wwante dan desfen vorgenompte  
Coype ende Transumpt van worden to worden  
uyt den Principal breve recht over eyns verdre-  
gen ys so heb wy Capittel und Stad dat to tuch-  
nijsse der Warheyt unsfe Secret wytlichen an  
desfen brief doen hangen. datum anno Domini  
1446 Sabbati in Vigilia palmarum.

Die Siegel sind zum Theil abgefallen.

Sindlinger hat im 1<sup>ten</sup> Bde. der M. B. Num.  
XLI eine ähnliche Landes-Vereinigung von 1466.